

Èkwo-ozì K'èto, Jìonu Deru

¹Èkwo-ozì ọwa-a shi l'èka m̀be onye e meru ọgerenya Chìochi. Onye mu ede iya anụ bụ Gayọsu onye mu yeru obu opfu lẹ mu l'iya t̀kwaru bya amaru ọkpobe-opfu ono. ²Su-a; ọnyà mu, d̀ mu l'obu; mu epfujekwa anụ Chileke g'o mekwaa g'iphemiphe, jehuru ngu; ẹhu adu ngu ike; mbu gẹ mu maanuru-a l'obu ngu bẹ ẹhu d̀kwapho guu. ³Ọ d̀ru unwunna, haru bya akọru mu l'i pfu-shikwaduru-a ike l'ọkpobe-opfu ono; lẹ ndzu ngu l'ophu b̀kotaepho ndzu ire-lanụ. Ẹhu t̀so mu ntumatu. ⁴Ọ t̀ dudu iphe, akajebaa mu eme g'ẹhu t̀so mu utso; 'abudu lẹ mu numaru lẹ ndzu unwegirima mu b̀kotaepho ndzu ire-lanụ.

Aja Gayọsu aja

⁵Ọnyà mu, d̀ mu l'obu; iigoshijekwa l'ọ gbaru g'e gude ire ngu ẹka l'iphe, iimekpọru unwunna anyi; mbukpoo mẹ unwunna, byaru abya-bya. ⁶Ẹphe kọru Chìochi-a k'eye obu nkengu. Jiko yejekwaru pẹ ẹka m'ephe -gbeshi jeshia ije pẹ. Mbụ-a; mejekpọru pẹ pho iphe, jiru Chileke ẹpho. ⁷Leshinu ẹphe gbeshikpọru ije l'iswi ẹhu Kéreshi-a bẹ ta adukwa iphe, ẹphe ekweje anata l'èka ndu abudu ndu kẹ Kéreshi. ⁸Noo ya bụ lẹ ndu d̀ egube ono bẹ ọ gbaru kẹ g'anyi yejeru ẹka; g'ọo-buru iya bụ l'anyi l'ẹphe t̀koru gbaru mgbala leje ozi k'ọkpobe-opfu ono.

Dayotirifisu waa Dimitiriyo

⁹Mu deru nwèkwo-ozì nù Chìochi; ophu Dayotirifisu, onye woru onwiya dobe l'ishi eyeduru mu onu. ¹⁰Ọo ya bụ lẹ: mu -bya; bẹ mu e-wofuta iphe, oomegbabẹ, bụ iya bụ mkpọkoro opfu, anọduje afushi iya l'onu, oogudeje adzushi ụka ekpu anyi. Teme ophu ono ejikwaru iya pho ẹpho. Ọ gbeshi ọzo; ọ jịka g'unwunna ta abya g'ẹphe lẹ ndu Chìochi kwee; bya

akpòshikwaapho ndu ọ dọ g'ẹ̀phe l'ẹ̀phe kwee g'ẹ̀phe te eme nno; bya ebu-
fu phẹ lẹ Chìochi.

¹¹Ọ̀nyà mu, dọ mu l'obu; ta anwụkwa ẹka ẹjo-ipe; nwụchikwa ẹka
ipe, dọ ree. Ọ kwa o-me-ree bụ kẹ Chileke; o-me-njọ teke ahụma-swe-
kwaa Chileke.

¹²Dimitiriyosu bẹ onyemonye tọ-dzuru ọnu eme ọma nkiya; tẹme
ọkpobe-opfu ono l'onwiya nọdu ajakwa iya phọ ajaja; mbẹdua l'onwomu
nọdu ajakwa iya phọ. Unu maru l'ajaja, anyi aja iya bụ eviya.

Ekele mkpọchi-ishi

¹³Mu nwekwaru ikpoto iphe, mu gege ederu ngu; ọle ọ tọ bọdu mkpa-
ra-ẹkwo yee mini-ẹkwo bẹ mu e-gude degbuaru ngu g'ọ dọ mu. ¹⁴Mu ari
lẹ mu ta anọdu ọdu; mu akpafuta ngu; anyi lẹ ngu abọwaroya l'iphu
l'iphu.

¹⁵G'ẹhu dọkwa ngu guu.

Ọ̀nyà ngu phẹ l'ekelekwa ngu roya-o. Kelekwaruphọ anyi ọ̀nyà anyi
phẹ l'ẹhu l'ẹhu.